

BE.242. RAHIS JALA MAOL (Bb=1)

=====

B.E. 242. RAHIS JALA MAOL

1. Rahis jala maol tutu Dalan tu banuaginjang
Na martua situtu Angka na disi mardalan
Mangihuthon Jesus i Sahat tu ujungna i.
2. Upa na sumurung i Dapot na burju marroha
Maralohon dosa i Dohot hisap ni dagingna
Na tongtong mangkirim di Sanggul hamonangan i
3. Na sap mudar nahinan Gantung di hau pinarsilang
Diomohon do hian Upa na marhasurungan
Ai didok do ujui “Nunga sun ulaonki”
4. Ale Jesus togu ma Hami angka paranganMu
Asa tarpareak ma Hatiuron di lambungMu
Dung pe tanggal daging i Dapot hasonangan i.
5. Dongan pir ma tondimu Maralohon hisapmuna
Tatap Jesus naung tutu Manggarari dosamuna
Ai marhite Jesus i Sahat hamonangan i.